

Augan i a un pastor

Augan i a un pastor qui a marchandat ua anhèra
Pendent la seson bèra com la flor
Quan cregó lo marcat hèit
Tot d'un còp qu'estó des hèit
Shens saber ni l'un ni l'autre
La causa deu fèit

Be l'an fin lo nas las doças anheretas
Abans de quitar lo lor cujalar
Vòlen véder lo pastor
Dab lo salh e lo baston
Ensenhà'us de grans caressas
E dà'us hèra aunor

Mos de Codurat de grana coneishença
'Près aver crombat e plan marchandat
Ua anhèra com un lúgrat
Segonda en son cledat
Un aulhèr de l'arribèra
L'a vienguda enlhevar

Avisatz-v'i plan pastors de la contrada
Si'n cadetz d'acòrd, contractatz d'abòrd
Si'n datz arras solaments
Per quauques engatjaments
Cèrtas jo gausarí créder
Que'n seratz perdent

Cette année, un berger a marchandé une agnelle,
Pendant la saison belle comme une fleur.
Quand il crut le marché fait,
Tout à coup, il fut défait,
Sans que ni l'un ni l'autre ne connaisse
La raison de cette situation.

Elles ont le nez fin, les douces agnelles !
Avant de quitter leur enclos,
Elles veulent voir le berger
Avec le sac à sel et le bâton,
Leur faire de douces caresses
Et leur accorder beaucoup d'honneur.

Monsieur de Condurat, un homme fort connu,
A bien marchandé puis acheté
Une agnelle comme un astre,
Seconde dans son enclos,
Un berger de la vallée
Est venu l'enlever.

Prenez-y bien garde, bergers de la contrée !
Si vous tombez d'accord, contractez d'abord.
Si vous donnez seulement des arrhes,
Pour quelques engagements,
Certes, moi, j'oserai croire
Que vous serez perdants.